

# Minnisblað

Útboð fyrir smíði á nýjum ASD dráttarbát fyrir Faxaflóahafnir sf. var auglýst á Evrópska efnahags-svæðinu 25. september 2018 sl. og tilboð voru opnuð þann 21. nóvember 2018.

Faxaflóahafnir sf. óskuðu eftir dráttarbát sem hefði 80 tonna togkraft aftur á bak og áfram. Hann átti að vera um 33 metrar að lengd og hefði tvær svokallaðar azimuth skrúfur. Jafnframt var óskað eftir að tilboðsgjafar tækju mið af eftirfarandi við hönnun bátsins:

- Mest mögulegt öryggi fyrir áhöfn
- Sem minnst kolefnisfótspor
- Lágmarksáhætta í rekstri (t.d. tvöfaldur búnaður þar sem það á við)
- Hámarks stjórnhæfni við mismunandi aðstæður (veðurfar, sjólag o.s.fr.)

Að auki var farið fram á að tilboðsgjafar myndu þjálfa alls 6 skipstjóra á bátinn og héldu námskeið um notkunarmöguleika bátsins fyrir hafnsögumenn þá í ljósi þess að þessi tegund báts, stærð hans og geta, er meiri en þekkst hefur hér á landi.

Í útboðslýsingu var tekið fram að hagkvæmasta tilboði yrði tekið og aðferðarfræði við mat á tilboðum var eftirfarandi:

- Verð gildi 50%
- Gæði tæknilegs búnaðar gildi 50%,

Undir tæknilegan búnað féll rekstrarkostnaður, gæði á smíðavinnu, fyrri reynsla af smíði sambærilegra dráttarbáta og afhendingartími.

Alls bárust 15 tilboð frá 8 aðilum. Hvað verð varðar voru tilboðin á bilinu frá kr. 844.098.300 til kr. 1.393.822.620 miðað við gengi gjaldmiðla á opnunardeg (boð í bandríkjadollurum og evrum).

Niðurstaða yfirferðar tilboðanna var að bátur Damen Shipyards fékk hæstu heildareinkunn þegar búið var að leggja saman einkunn fyrir verð og gæði. Að mati þeirra er komu að matinu ber bátur Damen Shipyards af hvað varðar tæknilegar útfærslur og öryggi. Þá ber þjálfunarnámskeið hjá Damen jafnframt af samanborið við önnur tilboð.

Verði niðurstaðan sú að tilboði Damen Shipyards verði tekið verður báturinn afhentur Faxaflóahöfnum sf. í Reykjavík í febrúar 2020, skráður í íslenska skipaskrá. Rétt er að geta þessa að fyrirsvarsmenn Damen Shipyards hafa nefnt óformlega að af afhendingu geti orðið í nóvember 2019 ef vilji væri til þess af hálfu Faxaflóahafna sf.

Tilkynning um niðurstöður á mati á tilboðum var send tilboðsgjöfum 2 janúar 2019 og tók þá við svokallaður biðtími sem er lögboðinn frestur tilboðsgjafa til að óska frekari upplýsinga og leggja fram kær til kærunefndar útboðsmála telji þeir tilefni til. Fresturinn er til og með 14. janúar 2019. Hafi ekki borist kæra innan frestsins er næsta skref Faxaflóahafna sf. að senda formlega tilkynningu til Damen Shipyards um að tilboði þeirra sé tekið. Þá tilkynningu þarf að senda eigi síðar en 16. janúar 2019.

Tilboð Damen Shipyards er hagstæðasta tilboðið þegar að verð og tæknileg útfærsla bátsins er metin í samræmi við forsendur útboðsgagna. Mælt er því með að þessu tilboði verði tekið. Tilboðsupphæð er alls 7.594.000 EUR eða 1.034.910 þ.kr. miðað við sölugengi 8. Janúar 2019.

Gísli Jóhann Hallsson  
Yfirlafnsögumaður